

RB	OPIS	Nastavnici	Saradnici	Laboranti
1.	Predavanje i nadzor vježbi/vježbe	5	10	20
2.	Pripreme	5	8	20
3.	Konsultacije i mentorstva	10	10	-
4.	Komisije NNV, radna tijela	5	2	-
5.	Naučnoistraživačka djelatnost	15	10	-
6.	UKUPNO	40	40	40

**Napomena:** ovaj prijedlog je dat kao prelazna faza do definisanja konačnog rasporeda prema kojem se u skladu sa sujetski priznatim standardima, naučno-istraživačka djelatnost vrednuje sa 50% u odnosu na ukupan rad.

Pored osnovnih, primarnih pedagoških, Standardi i normativi, ujedno sadrže elemente za utvrđivanje cijene obrazovanja po jednom studentu za određenu vrstu studija.

Kriterijima i mjerilima za finansiranje visokog obrazovanja utvrđuje se cijena iz prethodnog stava.

## V - DINAMIKA IMPLEMENTACIJE

Ovaj dokument se primjenjuje u potpunosti prilikom registracije novih visokoškolskih ustanova.

Predviđena dinamika dostizanja utvrđenih Standarda i normativa u pojedinim oblastima za postojeći Univerzitet je:

1. Kadrovski standardi - najkasnije u periodu od 5 (pet) godina od dana donošenja dokumenta;
2. Standardi u pogledu opreme - najkasnije u periodu od 5 (pet) godina od dana donošenja dokumenta;
3. Prostorni standardi - najkasnije u periodu od 6 (šest) godina od dana donošenja dokumenta, osim primjene u slučajevima prijema novoupisanih studenata počev od akademske 2006/2007. godine.

Pedagoški standardi i normativi za obavljanje djelatnosti visokog obrazovanja na području Zeničko-dobojskog kantona stupaju na snagu danom donošenja, a početi će se primjenjivati od 01.10. 2006. godine.

Ministarstvo za obrazovanje, nauku, kulturu i sport Zeničko-dobojskog kantona, u saradnji sa Univerzitetom u Zenici, izvršit će sve pripreme za početak primjene akta iz prethodnog stava u skladu sa utvrđenom dinamikom za implementaciju istog.

Broj: 10-38-10743/06  
Zenica, 13.06.2006.godine

**MINISTAR**  
Sreto Tomašević, s.r.

## 210

Na temelju člana 64. Zakona o osnovnoj školi ("Službene novine Zeničko-dobojskog kantona", broj 5/04), ministar Ministarstva za obrazovanje, nauku, kulturu i sport Zeničko-dobojskog kantona, d o n o s i

## P R A V I L N I K

**o izmjenama i dopunama Pravilnika o sadržaju i načinu vođenja dokumentacije i evidencije u redovnoj, specijalnoj i muzičkoj osnovnoj školi**

### Član 1.

U Pravilniku o sadržaju i načinu vođenja dokumentacije i evidencije u redovnoj, specijalnoj i muzičkoj osnovnoj školi ("Službene novine Zeničko-dobojskog kantona", broj: 8/05) u članu 10. stav 1. mijenja se i glasi:

"U matičnu knjigu upisuju se podaci o učenicima koji su u školu prvi puta upisani".

Stav 2. mijenja se i glasi:

"Matična knjiga počinje rednim brojem 1., a završava se rednim brojem koji označava ukupan broj učenika upisanih u matičnu knjigu".

U stavu 3. poslije riječi "ili više matičnih knjiga" stavlja se tačka, a tekst "s tim što se prema oznaci rednog broja prenosi i redni broj učenika upisanih u matičnu knjigu" SE BRIŠE.

### Član 2.

U članu 12. stav 2. se mijenja i glasi:

"Osnovna škola, u jednoj matičnoj knjizi, može voditi evidenciju za učenike koji se u školu upisuju za dvije, tri i četiri školske godine".

### Član 3.

Ovaj Pravilnik stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 10-38-13077/06.

**MINISTAR**

Zenica, 16.06.2006. godine Sreto Tomašević, s.r.

MINISTARSTVO UNUTRAŠNJIH POSLOVA  
211

Na osnovu člana 42. stav 2. Zakona o bezbjednosti održavanja sportskih takmičenja u Zeničko-dobojskom kantonu ("Službene novine Zeničko-dobojskog kantona", broj: 2/06.) ministar Ministarstva unutrašnjih poslova, d o n o s i:

## P R A V I L N I K

**O ORGANIZACIJI I UREĐENJU REDARSKE SLUŽBE**

### I. OPĆE ODREDBE

#### Član 1.

Ovim Pravilnikom uređuje se način organiziranja redarske službe, obaveze sportskih klubova i

organizatora sportskih takmičenja, odnos redara i policije, utvrđivanje broja redara na sportskom takmičenju, obavještanje nadležne Policijske uprave o namjeravanom angažiranju lica za redare i druga pitanja koja se odnose na uređenje i funkcionisanje redarske službe na sportskom takmičenju, propisana Zakonom o bezbjednosti održavanja sportskih takmičenja u Zeničko-dobojskom kantonu (u daljem tekstu: Zakon).

#### Član 2.

Organizator sportskog takmičenja ovisno o vrsti i nivou sportskog takmičenja, očekivanom broju gledalaca te procjeni rizika od izbijanja nereda i nasilja odlučuje o broja redara koje će angažirati, odnosno ako se radi o sportskom takmičenju visokog rizika broj redara utvrđuje u dogovoru sa nadležnom Policijskom upravom.

Organizator sportskog takmičenja može organizirati redarsku službu iz reda svojih zaposlenika, angažirati zaposlenike Agencija za zaštitu ljudi i imovine i, u dogovoru sa Udruženjem navijača gostujućeg sportskog kluba, i redare gostujućeg kluba.

## II. REDARSKA SLUŽBA I REDARI

#### Član 3.

Organizator sportskog takmičenja odlučuje koja lica će angažirati kao redare na sportskom takmičenju, vodeći računa da ta lica ispunjavaju uvjete propisane članom 17. stav 1. Zakona.

U smislu utvrđivanja uvjeta iz stava 1. ovog člana mjerodavni dokazi su:

- ljekarsko uvjerenje izdato od nadležne zdravstvene ustanove,
- svjedočanstvo o završenom srednjem obrazovanju,
- uvjerenje izdato od nadležnog suda o nevođenju krivičnog postupka,
- uvjerenje izdato od nadležne Policijske uprave o nekažnjavanju i neosudivnosti.

Osobu koja ne dostavi navedene dokaze ili ne ispunjava propisane kriterije organizator sportskog takmičenja ne može angažirati kao redara.

#### Član 4.

Redarska služba mora biti organizirana sa hijerarhijski postavljenom rukovodnom strukturom.

Osoba nadređena svim redarima saraduje sa pripadnicima policije angažiranim na sportskom takmičenju, koordinira rad ostalih redara i utvrđuje njihovo raspoređivanje unutar i ispred sportskog objekta.

#### Član 5.

Radom cjelokupne redarske službe, uključujući i angažirane zaposlenike Agencija za zaštitu ljudi i imovine, rukovodi pripadnik policije kojeg odredi

Policijska uprava - rukovodilac obezbjeđenja na sportskom takmičenju.

#### Član 6.

Organizator sportskog takmičenja dužan je, najkasnije 48 sati prije održavanja sportskog takmičenja, nadležnoj Policijskoj upravi dostaviti spisak osoba koje namjerava angažirati kao redare.

Ukoliko nadležna Policijska uprava utvrdi da neka osoba ne ispunjava uvjete u smislu člana 4. stav 1. alineja 4. ovog Pravilnika dužna je obavijestiti organizatora, najkasnije 24 sata prije održavanja sportskog takmičenja, da tu osobu ne može angažirati kao redara.

#### Član 7.

Organizator sportskog takmičenja dužan je obezbijediti da redari na odjeći imaju vidljivo istaknute oznake da su pripadnici redarske službe, a angažirani zaposlenici Agencije za zaštitu ljudi i imovine moraju nositi svoje uniforme i posjedovati iskaznice.

#### Član 8.

Organizator sportskog takmičenja dužan je organizirati i sprovesti obuku osoba koje namjerava angažirati kao redare.

Obuka iz stava 1. ovog člana sprovodi se shodno Planu i programu koji sačinjava organizator sportskog takmičenja.

Cilj sprovođenja obuke je da se osobe upoznaju sa obavljanjem poslova redara, pravima i obavezama, postupanjima po naredbama nadređene osobe odnosno naredbama policijskog službenika koji rukovodi cjelokupnim obezbjeđenjem, kao i sa Planom evakuacije.

#### Član 9.

Redar koji u smislu člana 16. Zakona upotrijebi fizičku snagu dužan je odmah upoznati nadređenog redara, a nakon završenog sportskog takmičenja odmah sačiniti izvještaj organizatoru sa podacima o razlozima i načinu upotrebe fizičke snage te podacima o osobi nad kojom je fizička snaga upotrijebljena.

#### Član 10.

Za vrijeme dok traje sportsko takmičenje, kao i u vremenu dok gledaoci ulaze u sportski objekat ili napuštaju sportski objekat nakon završetka sportskog takmičenja, pored Zakonom propisanih obaveza, redar je dužan:

- pregledati lica koja ulaze u sportski objekat u cilju sprečavanja unošenja zabranjenih predmeta,
- stalno biti na mjestu na kojem je određen da obavlja redarsku službu i kontrolisati područje za koje je zadužen.

- po potrebi kontaktirati nadređenog redara i postupati po njegovim uputama i naredbama,
- ukazivati prisutnim pripadnicima policije na pojedince ili grupe koje se nedolično ponašaju ili mogu izazvati nered,
- postupati po naredbama rukovodilaca obezbjeđenja na sportskom takmičenju.

### III. ZAPOSLENICI AGENCIJA ZA ZAŠTITU LJUDI I IMOVINE

#### Član 11.

Ako organizator sportskog takmičenja angažira kao redare i zaposlenike Agencije za zaštitu ljudi i imovine, ugovorom će se utvrditi međusobna prava i obaveze.

Zaposlenici Agencije angažovani shodno stavu 1. ovog člana ne mogu postupati izvan okvira ovlaštenja propisanih Zakonom o Agencijama za zaštitu ljudi i imovine.

### IV. ZAVRŠNA ODREDBA

#### Član 12.

Ovaj Pravilnik stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 08-01-02-1-3284/06

**MINISTAR**

Zenica, 12.06.2006. godine

Muhidin Alić, s.r.

#### 212

Na osnovu člana 42. stav 2. Zakona o bezbjednosti održavanja sportskih takmičenja u Zeničko-dobojskom kantonu ("Službene novine Zeničko-dobojskog kantona", broj: 2/06) ministar Ministarstva unutrašnjih poslova, d o n o s i:

### I N S T R U K C I J U

#### o načinu i postupku evidentiranja i izvršenja zaštitne mjere zabrane prisustvovanja sportskim takmičenjima

### I. OPĆE ODREDBE

#### Član 1.

Ovom Instrukcijom uređuje se način i postupak evidentiranja i izvršenja zaštitne mjere zabrane prisustvovanja sportskim takmičenjima izrečene u prekršajnom postupku shodno članu 35. stav 1. Zakona o bezbjednosti održavanja sportskih takmičenja u Zeničko-dobojskom kantonu (u daljem tekstu: Zakon), kao i način obavještanja nadležnih organa o izrečenoj zaštitnoj mjeri.

### II. EVIDENTIRANJE ZAŠTITNE MJERE

#### Član 2.

Zaštitna mjera zabrane prisustvovanja sportskim takmičenjima, izrečena licu koje je oglašeno krivim u

prekršajnom postupku, evidentira se kada rješenje Suda za prekršaja postane pravosnažno i izvršno.

Zaštitnu mjeru iz stava 1. ovog člana evidentira nadležna Policijska uprava na način da u posebnim službenim evidencijama unosi podatke o rješenju Suda kojim je mjera izrečena (broj i datum rješenja), podatke o licu kojem je mjera izrečena (ime i prezime, ime jednog roditelja, JMB i adresa prebivališta), dužinu trajanja izrečene zaštitne mjere (od 3 do 12 mjeseci).

Podaci iz stava 2. evidentiraju se u kartoteci prekršajnih evidencija, a rješenje Suda za prekršaj propisno se odlaže i čuva.

#### Član 3.

U cilju evidentiranja i praćenja izvršenja zaštitne mjere zabrane prisustvovanja sportskom takmičenju, nadležna Policijska uprava dostavlja podatke iz člana 2. stav 2. ove Instrukcije svim Policijskim upravama na području ZE-DO kantona.

Pored podataka iz stava 1. ovog člana nadležna Policijska uprava koristi i fotografiju lica kojima je izrečena zaštitna mjera iz baze podataka CIPS-a.

### III. IZVRŠENJE ZAŠTITNE MJERE

#### Član 4.

Izvršenje zaštitne mjere zabrane prisustvovanja sportskim takmičenjima vrši se u trajanju koliko je rješenjem odredio Sud za prekršaje, a teče od dana pravosnažnosti rješenja.

#### Član 5.

Sve Policijske uprave ZE-DO kantona dužne su da spriječe lica kojim je izrečena zaštitna mjera da prisustvuju svim sportskim takmičenjima u Zeničko-dobojskom kantonu.

#### Član 6.

Ukoliko se naknadno utvrdi da na sportskom takmičenju prisustvuje lice kojem je izrečena zaštitna mjera zabrane prisustvovanja sportskom takmičenju, nadležna Policijska uprava odmah će odstraniti takvo lice sa sportskog takmičenja.

#### Član 7.

Nadležna Policijska uprava će po evidentiranju zaštitne mjere o tome pismeno obavijestiti nadležni Sud za prekršaje u roku od 10 dana.

### IV. ZAVRŠNA ODREDBA

#### Član 8.

Ova Instrukcija stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 08-01-02-1-3283/06

**MINISTAR**

Dana: 12.06.2006.

Muhidin Alić, s.r.